

Սուրամ, 14 հոկտ.

Հոկտ. 12-ին, ս. Թարգմանչաց տօնի օրը, տառերի գիւտի 1500-ամեակի և տպագրութեան 400-ամեակի առիթով տեղիս ծխ. դպրոցում կայացաւ հանդէս, որին ներկայ էին դպրոցի հոգաբարձութիւնը, ուսուցչ. խումբը, աշ. աշակերտուհիներ և հանդիսականներ:

Գահիճը զարդարված էր թարմ կանաչներով:

Հանդէսը բացեց «Հայր մերով» գործակալ Յովս. ք. Առիւծեանը, ապա այս տարի հրաւիրված ուսուցչի Միք. Բալայեանը խօսեց օրվայ նշանակութեան մասին և հանդիսականներին վրա թողեց լաւ տպաւորութիւն. նոյն ուսուցչի՝ դպրոցի սաներից պատրաստած երգեցիկ խումբը երգեց աջող կերպով:

Հ. Առիւծեանը, ի դիմաց հոգաբարձութեան, ուսուցչ. խմբի և հայ ազգաբնակչութեան, հեռագիր ուղարկեց էջմիածին Վեհին, շնորհաւորելով համազգային մեծ տօնը:

Կիրակի, հոկտ. 13-ին, ս. Գրիգոր Կուսաւորիչ եկեղեցում պատարագեց հ. Առիւծեանը Պատարագից յետոյ կատարվեց հայրապետական մաղթանք, իսկ յետոյ հոգեհանգիստ հայ գրականութեան երախտաւոր հանգուցեալների համար: Զայն

II

Հին-Նախիջևան, 14 հոկտ.

Երէկ, կիրակի, մեզմոռւմ ևս տեղի ունեցաւ հայ գրերի գիւտի 1500-ամեակի և տպագրութեան 400-ամեակի տօնակատարութիւնը ս. Երրորդութեան եկեղեցու գաւթում:

Պէտք է ասած, որ այդ օրը նոյն եկեղեցու ուխտն էր՝ Պանտալեոն բժշկի, որի նշխարները իբր գտնվել են նոյն եկեղեցու շինութեան ժամանակ: Կար և սովորական մատաղ, ուստի կրկնակի տօների առիթով ժողովված էր հոծ բազմութիւն:

Պատարագից յետոյ եկեղեցու գաւթում կատարվեց բացօդեայ հայրապետական մաղթանք, որից յետոյ վիճակի փոխանորդ Սիօն վարդապետը խօսեց տօնի առիթով, համեմատելով ս. Մեսրոպին Պոսէթէոսի հետ, փառաբանելով տառերի գիւտի 1500-ամեակը և Վեհ. Հայրապետին, որ այդ տօնի կատարման նախաձեռնողն հանդիսացաւ Փոխանորդից յետոյ խօսեցին տեղիս ծխ. դպրոցի 2 ուսուցիչներ՝ Շմ. Յովսէփեան և Արշ. Տէր-Յովնանեան հայ տառերի գիւտի և տպագրութեան պատմութեան էպիզօդներից:

Փոխանորդը երէկ տօնի առիթով Հին-Նախիջևանի և վիճակի իր հօտի կողմից ուղարկեց էջմիածին Վեհին մի հեռագիր հետևեալ բովանդակութեամբ.

«Յաւիտենական յիշատակ և փառք Հայկեան Պրոմէթէոս ս. Մեսրոպին՝ ամառաձային իմաստութեան կրակով Հայաստան աշխարհը լուսաւորողին: Փառք Ձեր Սըրբութեան, լուսոյ և գիտութեան մեծ հովանաւորողիդ, որ այսօր անմահացնում ես Մեսրոպեան փառաւոր գիւտի պանծալի յիշատակը»:

Պիրօ

Յ. Գ. — Հին-Նախիջևանի գաւառում դըպրոցական Փօնդի հանգանակութիւնը հասնում է 2500 բուրլու: Նոյն